

## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Secvnda, Qva Continentvr Socratis Scolastici  
Constantinopolitani lib. 7. Theodoriti Cyrensis episcopi lib. 5

**Christopherson, John**

**[Köln], 1569**

De sancto Ammone monacho, & alijs viris sanctis ex Euagrij historia. Cap.  
XVIII.

**urn:nbn:de:hbz:466:1-12704**

**E**T si eorum facinorum, quae in initio episcopatus Lucij, contra eos, qui extra urbem Alexandriam in reliquis Aegypti partibus habitabant, partim in carceribus, partim extra carceres crudeliter patrata fuerunt, & qua ratione alii variis tormentis excruiciati, alii prater ea, exilio praterea multati essent, Sabinus nullum omnino fecit mentionem (quippe qui cum Semirianus esset, amicorum scelera occultauit) tamen Petrus per literas suas, quas posteaquam fuerat ex vinculis elapsus, ad eos ubique misit ecclesias, eadē omnibus patefecit. Qui ut ex carcere effugerat, ad Damasum pontificem Romanum adiuvauit. Proinde Ariani, licet numero pauci, ecclesias tamen Alexandrinis de integrō potiūt. Non igit̄ temporis inter-  
vallo intericto, ex edicto Imperatoris mandatum est, ut eos qui fidē Consubstantialis tenebant, nō Alexandria solū, sed ex viuēsa etiā Aegypto penitus expellerentur. Quinetiam praefecto imperati, ut cum ingentibus copiis, eos ubique, persequeretur, quos Lucius indicaret. Eodem tempore monasteria in solitudine direpta, diuexata, & crudeliter expugnata fuit. Nam inermes, qui ne manu quidē ad iactum repellendum extēdere volebant, viri armati aggressi, adeo miserabilem in modū enecarūt, ut scelera in eos admisiā, nullo dicendi genere explicari possint.

*De sancto Ammone monacho, & alijs viris sanctis  
ex Enagrij historia. CAP. XVII.*

**S**ED quoniam in monasteriorum quae in Aegypto erāt inciduntur mentionē, nihil obstat, quo minus de eisdē pauca differamus. Ea loca, quae dicuntur οὐκτησία, id est in quibus monastica viuēdi disciplina excolitur, quamquam fortasse in Aegypto ante longū temporis spatium initiū sumpserē, tamen ab Ammone, viro sanctissimo fūre multo magis aucta amplificataq;. Qui cum adolescentis esset, à nuptiis abhorruit ille quidē, sed tamē cum nonnulli amicorum eum hortarentur, ut non ita contumeliosē nuptias infectaretur, sed uxoriē duceret, illis morem gesse, venitq; ad nuptias. Ac statim, ut virginē ē thalamo exemerat, & consueta cum pompa in interioris deduxerat cubiculum, tandem ubi necessarij illius decessissent, ariepo in manum libro epistolas Pauli complecenti, primum epistolam illius Apostoli ad Corinthios cœpit legere, preceptaq; illius de nuptis coniugi exponere:

R. A. deinde

SOCRAT. HISTOR.

deinde multa aliunde adijcere : docere nuptiarum incommoda: quām tristis sit inter virum & mulierem vitæ consociatio : quām acerbi dolores mulierem grauidam pungant. Addere etiam molestias, quæ in liberorum educatione inesse solent. Postremò virginitatis commoda percensere , & quatenus vita pura, inuiolata, & ab omni labe vacua sit libera : & quod virginitas nos ad Deum quām proximè faciat accedere. Hæc aliaq; multa apud vxorem virginem elocutus, persuasit illi, vt priusquam congrederentur eam vitæ rationem, quam humana consuetudo postulat , prorsus abijceret. Ambo igitur, quasi fœdere de ea re pacto. ad monte, qui Nitria vocatur, recta se conferunt: ibiq; ad exiguum tempus in tugurio ætatem degentes , communem vitæ monasticæ disciplinam exercuerunt, nullo virilis, aut muliebris sexus discrimine habito, sed vnum corpus, vt est apud Apostolum, fuerunt in Christo. Non longo post tempore, noua sponsa, & virgo incorrupta Ammonem sic affatur: Non te decet, qui temperantiae & castitati colendæ te totum dedidisti, feminam in tantillo domicilio conspicari. Quare, si videtur, quisque nostrum separatim in monastico vitæ genere exercendo se ponat. Hoc itaque de vtriusque sententia pactum est: atque alter ab altera segregatus , quod reliquum erat vitæ eo pacto contriuit . A vino & oleo utique abstinet, & panem siccum aridumque comedit, idque interdum post vnum integrum diem, nonnunquam post duos, aliquando post plures. Huius Ammonis anima post mortem ab angelis in cælum sublatam Antonius, qui eidem vixit temporibus, vidi: quemadmodum ab Athanasio Alexandriæ Episcopo in eius vita commemoratum est.  
Quapropter permulti Ammonis viuendi modum studiosè imitari cœperunt: ac mons Nitriæ , & scitis paſſim monachorum multitudine refertus est: quorum omnium vitas sigillatim persequi, separata tractationem postulat. Verū quoniam inter eos viri pij, qui cū propter disciplinam monasticam, tum propter Apostolicā viuendi rationem, quam colebant, valde fuere eximij, res nonnullas perutiles & memoratu dignas tum gesserunt, tum locuti sunt, non incommodū erit, mea quidem sententia, si ad utilitatem legentium ex multis pauca in hanc nostrā historiam includamus.

Fertur

Fertur hunc Ammonem nunquam seipsum nudum aspexisse: dicereque consueuisse, Turpe esse monacho suum ipsius corpus nudum contemplari. Eundemq; cum esset forte flumen transiturus, vestes exuere magnopere reuerentem, Deum praecatum esse, ut ei à proposito quod instituerat neutrquam repulso, transitus fieret. Quo facto, angelum in ultraeum fluminis ripam eum trāsportasse. Dydimus, qui etiam monachus fuit, nonagintaque consecit annos, per totum vitæ spatiū nullius unquam hominis societate & cōsuetudine v̄sus est. Arsenius ex eodē numero adolescentulos, qui deliquerant, à communione non segregauit, sed eos qui in disciplina monastica profecerant: Nam adulescens, inquit, si segregetur, contemnit: qui autem profecerit, dolorem, quem ex segregatione capit, cito persentiscit.

Pior inter ambulandum solet comedere: atque cuidam interroganti, cur ita faceret, respondet: se in cibo sumendo, non quasi opus facere, sed quasi superuacaneum quiddam. Alteri item de eadem re sc̄iscitanti dixit: ne animus, dum comedo, voluptate afficiatur corporea. Isidorus dicebat, quadraginta annos, ex quo peccatum in animo senserat iam præteriisse, ac nunquam vel cupiditati, vel ira consensisse.

Pambo vir literarum omnino ignarus & rudis ad quendam accedebat, vt Psalmum disceret: & cū primum versum psalmi trigesimi octauī audiuisset, qui ita se habet: Duxi custodiā vias meas, vt non delinquam in lingua mea: secūdum audire noluit, sed decedens dixit: Vnus hic versus sat est, si modò eum re ipsa & opere discere potuero. Atque illi, qui versum docuisset, ei vitio vertenti, quod sex menses continuos illum non vidisset, respondit, se versum psalmi nondum re ipsa didicisse. Postea longo ætatis spatio percurso, cuidam ex notis quærenti, vtrūm versum didicisset, respondit se decem & nouem annis integris vix didicisse eum opere explere. Idem ipse cuidam aureum ad pauperes alienos ei lagienti dicentique, numera quod dedi, respondit non esse opus numero, sed animo sano recteque composito. Eundem ferunt Athanasii episcopi accessitu, ex solitudine Alexádriam profectū: & cum ibi videret mulierem in pompa sumptuosius exquisitusque ornatam, quo homines ad spectandam inuitaret, lachrymas profundisse. Atque qui-

Psal. 38.

## SOCRAT. HISTOR.

busdā ex illis, qui aderāt, roganibus, quid esset causē, cur la-  
chrymaret, respōdisse se duabus rebus suis cōmotum: vna,  
quod mulierē videret sibi exitiū parare: altera, quod ipse nō  
tanta cura, ac studio ad placendū Deo, quanto illa ad homi-  
nibus flagitiosis, blandiendū incūberet. Alius quidā dixit,  
Monachum, si non laboret, pro fraudatore habendum esse.  
Petirus, qui in cognitione contéplationeq; naturę plurimū  
poterat, ad eos, qui in colloquium cū eo venirent, aliud atq;  
aliud semper dicebat: qui inter singula, quę illis tradebat p̄  
cepta, p̄r̄ces ad Deū fundere consueuit. In numero mona-  
chorū, qui eo tépore vixerūt, duo viii erant pietate & fan-  
ctimonia eximij, qui codē nomine (vterq; enim vocabatur  
Macarius) nuncupati fuerūt: quorū alter ex superiore AE-  
gypto, alter ex vrbe Alexandria oriūdus. Vterq; multarum  
rerū causa, vt disciplinæ monasticæ, vitæ piè institutæ, morū  
pr̄stabiliū, & miraculorū deniq; ab ipsis editorum percele-  
bris & illustris. Aegyptius Macarius morbis, tā multos libe-  
rauit, tot dæmones ex hominibus, qui eisdem agitabantur,  
eiecit, vt res ab eo per Dei gratiā gestæ, opus separatum deli-  
derent. Erga illos, qui in ipsius congresum venirent, seueri-  
tate cū reuerentia téperata vsus est. Alexandrinus autē, & si  
in aliis rebus omnibus ei similis fuit, in hac tamen disper-  
quod aduersus eos, qui cū ipso colloquebantur, se hilarē &  
iucundū ostendit: atq; adeo vrbanitate & facetiis adulescē-  
tulos ad monasticā viuendi disciplinā allexit. Istorum disci-  
pulus fuit Euagrius: qui studium sapientiæ in initio quidem  
verbis duntaxat, postea autē factis diligentissimè excusat.  
Hic primū Constantinopoli à Gregorio Nazianzeno est  
ordinē diaconi consecutus: deinde vna cum illo in AEgyptū  
profectus, ibi q; cū illis piis viris, quos supra dixi, collo-  
cutus, illorum viuendi genus ardentī studio imitari cœpit:  
totq; miracula ab eo edita, quot à Macariis p̄ceptoribus  
suis. Itemq; libri ab illo accurate cōscripti: quorū vnu Mo-  
nachus, siue de viuendi ratione, quę in agendo cernitur: al-  
ter Gnosticus, siue scientia præditus dicendus sit: in quo  
sunt capita quinquaginta: alter Antirreticus id est aduersus  
dæmones tentantes cōfutatio, ex sacris literis collecta, inq;  
octo partes diuisa, numero octo cogitationū mentis nostræ  
aptè respondentia. Sexcenta p̄terea problemata de rerum  
p̄r-

præfensione futurarum. His accedunt duo carminum libri: unus ad monachos, qui in cœnobiosis, & conuentibus ætatem degunt; alter ad virginem. Qui quidem quam eximij sint, facile intelligent hi, qui sunt eos perlecluri. Verū opportunum tempus, mea quidem sententia, hoc loco se offert, pauca ex illis, quæ sunt ab eo de monachis commemorata, huic sermoni attexendi. Sic enim loquitur. Viæ illæ, quas monachi ante nos institerūt, sunt nobis necessariò indagandæ, non straq; vitæ ratio ad illas dirigenda. Nam multa ab illis sunt, & prudenter dicta, & acta præclarè. Ex quorū numero unus dicebat, aridiorem tenuoremq; viætus rationem, eamq; semper æquabiliter obseruatā, modò cū charitate iūgeretur, monachū breui ad portum ἀπαθείας, id est vacuitatis ab omnibus animi perturbationibus perducturā. Idem ipse quendam fratre noctu spectris grauiter turbatum liberauit, quod illi in mandatis dederat, vt ægrotis ieunias inferuiret. Causam verò rogatus: nulla, inquit, re eiusmodi perturbationes tam facile sedatur, quam misericordia. Cuidam ex eorū numero, qui id temporis sapientes sunt habiti, ad Anthonium illū iustū accedenti, quærenti, quo pacto vitâ possit sustentare, solatio illo, quod ex libris capi solet, orbatus, respōdit: meus liber, ô philosophè, est natura rerū à Deo cōditarum: quæ quotiescunq; animo lubitum sit meo, libros ipsius Dei ad legendū suppeditat. AEgyptius ille senex Macarius, electionis vas, interrogauit me quid esset, cur cū iniuriarū nobis ab hominibus illatarum recordamur, memoria vim & facultatē in animo insitā labefactemus: cū autem earum, quas dæmones nobis faciūt, tenemus memoriā, eā integrā illęsamq; seruemus. Ac mihi, quid esset respondendū, hæsitanti, obsecrantiq; vt eius rei causam ab eo cognoscere, dixit: priorem perturbationem contra naturā esse, posteriorē autem irā naturaliter cōgruere. Porro autē cum ipse ad sanctum patrem Macarum in ipso meridiei articulo accederem, & siti veheretur oppressus aquā ad bibendū postularē: vmbra, inquit, contentus elto. Nam multi, qui vel terra iā iter faciunt, vel nauigio mare transmittūt, sunt ista quidē penitus destituti. Tum mihi cū illo de cōtinentia sermonē conferenti, dixit: bono animo esto, inquit, ô fili: Viginti equidem iam annis continuis, nec panē, nec aquā, nec somnū cepi ad sacietatē.

## SOCRAT. HISTOR.

Nam panem comedì pondere : aquam mensura bibi : parieti  
inclinatus, paululum somni surripui. Monachus quidam,  
cum patris mors ei significaretur, illum, qui significabat, sic  
allocutus est : define loqui blasphemias. Nam pater meus  
immortalis est : frater quidam, librum Euangelij, quem so-  
lum habebat, vendidit, pecuniamque ad pauperes sustentan-  
dos cōtulit, dictum memoria dignissimum simul elocutus:  
eum ipsum librum vendidi, qui dicit: Vende quae habes, &  
da pauperibus. Est quædam Insula prope Alexandriam, ad  
Boream vergens, quæ trans Lacū Mariam sita est: in ea Mo-  
nachus ex secta Gnosticorum, vir spectatissimus habitauit.  
Hic omnia, quæ aguntur à monachis, propter quinque cau-  
fas agi afferuit: propter Deum, propter naturā, propter con-  
suetudinem, propter necessitatem, & propter manuum of-  
ficium. Idem alias dicebat, vnam esse naturam virtutem, sed  
pro animæ facultatibus in quibus insit, varias in species di-  
stribui. Nam solis lumen, inquit, specie & figura caret illud  
quidem, sed ob fenestras, per quas penetrat, figurari solet.  
Alium quendam monachum fertur dixisse: ob hanc cau-  
sam voluptatum illecebras amputo, vt materiam etiam pre-  
cidam iracundiæ. Etenim hanc noui pro voluptatibus per-  
petuò decertare, tranquillum mentis meæ statum perturba-  
re, intelligentiæ vim affere. Alter quidam senex dixit, cha-  
ritatem deposita vel cibi vel pecuniae non posse seruare: qui  
item dixit, sc̄ non bis in eadem re, quantum sciebat, à dæmo-  
nibus aliquando fuisse deceptum. Ista sunt ab Euagrio, in  
libro, qui de vita in actione posita inscribitur, totidem ver-  
bis commemorata. In libro autem qui Gnosticus dicitur,  
sic loquitur. Quatuor virtutes & totidem earum præcep-  
tiones à Gregorio iusto didicimus: prudentiam, fortitudi-  
nem, temperantiam, & iustitiam. Ac prudentiæ munus esse  
sanctas illas facultates, quæ sunt mentis propriæ, nullis ad-  
hibitis verbis (has enim à sapientia tradi affirmauit) con-  
templari. fortitudinis, in veris firmè persistere : & quamuis  
sis propterea grauiter oppugnatus, ad falsa tamen nunquam  
deflectere. Temperantiæ semina à primo ac summo Agri-  
cola accipere, eum autem, qui alia semina porrigit, repellere.  
Denique iustitiae, rationem cuiusque rei pro dignitate red-  
dere: hancque virtuten ralia obscurè innuere, nonnulla per  
enig-

Matt. 19

enigmata significare, quædam ad Imperitorum vtilitatem  
apertius explanare. Veritatis colūna, Basilius Cappadox ait  
cognitionem, quæ ab hominibus capitur, crebro vsu & ex-  
ercitatione fieri perfectiore: eam autem, quæ per Dei gra-  
tiam animis nostris ingeneratur, iuititia, placabilitate, & mi-  
sericordia. Ac prioris eos, qui perturbationibus obnoxij  
sunt, posse fieri participes: posterioris autem illos solos qui  
sunt ab omni animi perturbatione liberi vacuique: qui que  
dum in præcibus defixi sunt, propriam mentis lucem, quæ  
ipsoſ illuminat, contemplantur. Itemq; sanctus Athanasius,  
AEgyptiorum luminare, ait Moysi præceptum esse, ut men-  
sam versus Aquilonem statueret: Illi igitur, qui sunt in con-  
templatione positi, animaduertant sedulo, quis sit ille aduer-  
ſarius qui contra eos spiret, omniaq; tentationis genera vi-  
rili & excelsō animo tolerent, & illos, qui ipſos adeant, pro-  
penſo ac parato animo alant sustententque. Serapion etiam  
Thmuitensis ecclesiæ velut angelus, dicebat, mentem, quæ  
cognitionem spiritualem imbiberit, plene cumulateq; pur-  
gari: partes animæ iracundia exardescentes, charitate sanari:  
prauas cupiditates, quæ in animi domicilium illabuntur, co-  
erceri continentia. Didymus ille doctor maximus, & in re-  
rum diuinarum contemplatione summus, dicere consuevit:  
documēta de prouidentia & iudicio diuino assiduè tecum  
recolito, eorumque summam (omnes enim ferè in illis la-  
buntur) memoria custodire laborato: quorum altera, de iu-  
dicio scilicet, in corporum differentia, inque ea, quæ est mū-  
di, mutatione facile discernes: altera, de prouidentia, in mo-  
dis illis, quibus à vitiositate & inficitia ad virtutem & cog-  
nitionē ducimur, facile animaduertes. Ista ex Euagrii libris  
deprompta in hunc locum contulinus. Alius quidam Mo-  
nachus erat, vir plane admirabilis, qui Ammonius voca-  
tur: iste adeo parum curiosus fuit, ut cum Romæ vna cum  
Athanasio fortè versaretur, nihil ex magnificis vrbis operi-  
bus, præter templum Petro & Paulo dicatum, videre omni-  
no desideraret. Idem cum ad episcopatum gerendum impel-  
leretur, clam aufugit, dextramq; sibi præcedit auriculam, ut  
corporis deformitas impedimento eslet, quo minus ad illud  
munus deligeretur. Postea cum Euagrius ad episcopatum à  
Theophilo episcopo Alexandrino delectus ex occulto au-

P 5 fuge-

## SOCRAT. HISTOR.

fugeret, nullo corporis membro amputato, Ammonioque forte fortuna occurreret, & facetè illum propterea perstringeret, quòd auriculam præcidendo, facinus fecisset, seq; coram Deo reū ipse peregisset. Ammonius, illi respódit: at tu, inquit, Euagri, non putas te pœnas daturum, quòd lingua propter nimium tui ipsius amore excisa, gratia, quæ donata est tibi, minimè vsus sis. Erant ecclē tépore etiam alij plurimi viri in monasteriis virtute & pietate præstatiissimi, quos quidem in hoc præsenti opere cōmemorare nimis longum esset, præsertim cū nobis, si illorū vitas, & miracula ab ipsis propter singularem, quę in eorū animis insita fuit, sanctimoniā edita, singillatim persequeremur, à proposito admodū digrediendum esset. Quapropter, si quis studio ducitur accuratè cognoscendi, quas res gesserint, quo pacto se in vita exercuerint, quæ ad audientium militatem locuti fuerint, quo modo bestiæ illis obtemperarint, legat librū à Palladio monacho (qui Euagrij fuit discipulus) separatim de illis editum. Nam omnia, quæ ad eos spectant, in eo sunt accuratè explicata: in quo etiā de mulieribus, quæ paré viuendi ratione cū viris supra dictis excolebāt, sermo suscep̄tus est. Euagrius verò & Palladius paulo post mortē Valentis fluerunt. Sed iam redeamus, vnde digressi sumus.

*De sanctis monachis in exilium electis, & quomodo  
Deus editis per illos miraculis, omnes ad se at-  
traxerit. C A P. XIX.*

**C**V M igitur Imperator Valēs lege sanciūisset, vt in eos, tum qui Alexandriam, tum qui Aegyptum incolebāt, persecutio concitaretur, omnia vastata euersaq; fuēre, dum alii in Iudicium adducti, alij in carcerem coniecti, alij aliis tormentis diuexati. Nā varia cruciatus genera illis qui se quietè gerebant, inflicta. Vbi ista Alexandriae erant pro libidine Lucij cōfecta, Euzoiusq; Antiochiā reueterat, dux cum ingentibus copiis, & Lucius Ariānus vna (nam ne ille quidem ei instituto defuit, sed multitudinem sanctorum virorum, quos neutiquam commiseratus est, multò acerbius, quam milites ipsi, afflictauit) ad Aegypti monasteria contēdunt. Posteaquam ad locum ventum est, viros consueta obēentes munera, preces scilicet fundentes, morbis medicatē-

eijcien-